



DEO OPTIMO MAXIMO
UNI ET TRINO,
VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum, die Martis vigesima
mensis Martii, anno Domini M. DCC. LXX.

M. MARINO-JACOBO-CLARO ROBERT, S. Ducis Bipontini
Archiatro, nec non à Consiliis & secretis, Doctore Medico
Præsidente, Theses Autore.

*An prægnantibus, parturientibus & puerperis nulla, aut saltem non
nisi lenientia remedia.*

I.



ULIER juncta viro liberos vulgò procreat. Quid
sit generatio? Quæstio hæc adhuc crassiori obvol-
vitur caligine; de hac re tamen ingeniosa finxit com-
menta celeberrimus D.D. Buffon. Veneris æstu perciti
mas & femina copulantur, inde nascitur homo,
illud est quod certissimum.

Embryo in utero conceptus crescit in dies ac evolvitur, cres-



cit quoque velut in immensum expansa uteri parietes crassescantis
cavitas. An nova succrescat parietibus substantia, nundum planè
clarefcit : illud forsitan ab ipsâmet uteri substantiæ texturâ pen-
det phenomenum. Hæc est in virginibus pulposa, cellularis, com-
pacta aut plicata : in prægnantibus tumens ac expansibilis. Huic
opinionî suffragatur observatio mox sequenda : aperto muliebri
cadavere, repertus est uterus suâ magnitudine bis pugnum supe-
rans, & stratim dispositæ ac concretæ materiei cretaceæ mucosæque
præsentîâ induratus. Quantas heu ! Turbas in muliere, dum vi-
veret, excitaverat hæc uteri læsio.

Vitâ gaudet peculiari uterus, exquisito pollet sensu, appetit &
aversatur, voluptuariâ phlogosi nunquam turgescit, & motu
moveretur proprio.

Dum instat excretio critica narium, scintillant oculi, iisdem
que ruber obvertitur color : facies rutilo colore veluti imbuta
aliquantis perintumescit, dolor adest capitis, intus pruriunt nares
ac inflantur : nisum hæmorrhoidalem comitantur ejusdem prosapiæ
symptomata : sæviori regio lumbaris discruciatore dolore, qui sæ-
pius diversas ventris partes perambulat, quædam adest ventris in-
flatio, premit egerendi cupido, quæ est tenesmi species. Caput,
mammas, pectus, stomachum, renes, quid ? Totum corpus turbat
fluxus muliebris imminens. Singulæ ergo corporis partes uteri
imperio sunt subditæ.

Intimos narium recessus, in instante crisis, superiori humorum
proventu irrigari quis inficias ibit ? Tota illud probat, quibus sti-
patur, symptomatum caterva. Fluxum menstrualementem, ut motum
criticum merito habuit Schalius : unde concludere pronum est san-
guinis congerie turgere uteri parietes, & levi, dum instant menses,
tentari inflammatione.

Uterus, toto gestationis tempore, jugiter laborat ac movetur, quâ
quidem de causâ in illum confluant humores : motu itaque perenni
& continuo humorum affluxu uteri parietes crassescere & augeri
necesse est.

I I.

TAM multiplici ægritudinum specie conflictatur plerumque
mulier prægnans, ut totum gestationis tempus judicares
omnino morbosum. Ubi primus elapsus est mensis, multifaria in-
gruunt symptomata. Vel perit appetitus, vel imminuitur, circa res
ingratas etiamnum versatur ; nausæ subrepunt, & veluti ciborum
onere laceffit sumptos illos rejicit Stomachus. Suas partes agit

3

quoque in hac tragædiâ colum intestinum : inflatur pars illius maxima Stomacho subrepens , & tota inde epigastrica regio distensa oculis obverfatur ; repellit sursum diaphragma ad pulmones hæc inflatio , inde respirationis angustia , suffocatio , constrictio gutturis , vertigines , syncope , aliaque , quibus sæpius heu ! Affligitur mulier prægnans. Quædam renes dilacerari conqueruntur : autumant multâ uterum è sede suâ dimotum , sub formâ globuli , in diversas ventris partes volutari , & ad Stomachum ascendere , in aliis pedes ædematosi tumescunt , & circum ani marginem tumores prominent hæmorrhoidales. Hæc diversa , diversis gestationis temporibus , suboriuntur.

Ex uno eodemque fonte (utero) Scaturiunt hæc symptomata. Maximum uteri molimen , in efformandis embrione & membranis , præsupponere non absonum est. Fœtus in utero contentus mole suâ illum suscitât , hicque novi hospitis præsentia veluti recreatus exultat , movetur , & natura cogitur in illud eximium opus præcipuas vires impendere : agitur sistema nervosum , vis tonica major proinde diversis inducitur corporis partibus. Spasticæ moriones sparsim oriuntur , & ex irregulari motu necessariò pessundantur organorum quorundam functiones.

Perennis est labor , quo uterus sanguinem è diversis partibus irruentem excipit , præparat , ac infantis nutrimentum , placenta transmittit. Numquid valet præterea uterus , mole suâ auctâ , varias in corpore tragædias excitare. Ille , crescente fœtu , è pelvi minori in majorem exsurgit , in quo per totum gestationis stadium hæret. Viciniora organa è sede dimovet ac premit , unde procellæ , non nisi consuetudinis vi quâdam finiendæ ; quandoque tamen altiùs exsurgens premit stomachum , obstat liberiori diaphragmatis deorsum descensui , quâ de causâ vomunt prægnantes ad usque fœtus exclusionem , & alimenta paucè devorata ægrè digerunt : anxietatibus usquè vexantur. Ex utero igitur vividius agente ac premente fœtus nascuntur pleraque symptomata in muliere prægnante observanda.

Inde patet quantus sit illorum error , qui , præjudicio indulgentes , hæc diversa repetunt a plæthora , & quater , quinquies , sexies , in unâ gestatione celebrandam venæ sectionem opinantur. Perperam quoque agunt , qui , saburrâ incusantes , ad illa symptomata debellanda purgantium vim extollunt.

Ceu diversa organa ad libellam componantur , ceu natura sensim huic oneri fuerit assuefacta , circa quartum gestationis mensem

4
minus sæviunt hac symptomata. Attamen, quod manifestam involvit contradictionem, mos est receptus in quarti mensis decursu prægnantibus sanguinem mittere. An licet tunc temporis plarioram suspicari? Primo trimestri vix alimenta assumit mulier prægnans & sæpissimè vomitu rejicit. Vix superest ergò sanguinis quantitas membranæ & embryoni efformandis sufficiens. Venæ sectio itaque maximum matri & fœtui infert damnum, utriusque enim vires exhaurit; deinceps languidè vivunt ambo.

Hos cruciatus sublevant ac præcavent exercitia ac animi constantia. Sic feliciter enixæ sunt mulieres, quæ, antea venæ sectionibus repetitis fuerant assuefactæ. Huc collimare semicupia suadet observatio, quam fors obtulerat. Puella mensium suppressionem passâ est: usum balnearum, pro sanitate restituenda, meo consilio adhibuit, hæc ope sublevata sunt symptomata. Interim crescebat ventris tumefactio, nono mense infantem, absque ullo salutis damno, peperit.

I I I.

LEX est ferè constans, nec nisi rarò varianda, partum naturalem, novem mensium spatio, circumscribi. Non diffiteor tamen illum in decimum usquè mensem & ultrà differri posse. Parturitionis mense decimo factæ observationem in opere ann. 1766. edito ipse retuli & rationum momenta adduxi, quibus fulcitur illa opinio. Partum ab ipso nisu uteri fluxum menstrualementis pendere excogitavit *D. D. Buffon*. Requidem verâ in ipsâ menstruorum periodo parturiunt prægnantes. An non uteri parietes sanguine sensim aggesto ingurgitatæ naturæ sunt impedimenta, quibus illa in maximos cietur conatus.

Partum præcurrunt ac comitantur sævi cruciatus, ingens uteri molimen indicat pulsus raro & quasi duplicato motu digitum feriens. Tumque diversæ corporis partes, fœdere veluti facto, in illud opus vires collectas infumunt. Ex hac causâ nasci dolores verosimillimum est, non verò ab uteri cervicis dilatatione. Hi etenim dolores à renibus orti in imum ventrem decurrunt, ut circà pubem evanescant. Non statim, excluso fœtu, vexare desinunt dolores; urgent post partum ac recrudescent, vocanturque dolores post partum. Illarum recrudescentia pendet ex uteri nisu, qui sanguinem in parietibus contentum & ex diversis partibus allabentem excutere allaborat. Unde conjicere licet doloribus post partum natalis non præbere uteri cervicis dilatationem, Vix foràs fuit eliminata sanguinis copia in utero congesta, cum natura aliorum castra movens novum opus in mammis aggreditur. Tora in hoc organo lactis

confectioni intenditur. Ex summo hocce labore excandescit febris species, febris lactea vulgo nuncupata. Ea autem est uterum inter & mammas necessitudo, ut dum in lacte præparando occupata, tumescunt, distenduntur ac dolent mammae, nullus, aut levis saltem in utero persentiaturs cruciatus. Imminuitur etiam lochiorum materies dein lactis mixtionem augenda, quæque naturali, nec nisi post quadraginta circiter dies cohibendo rivulo, effluit.

I V.

USUS invaluit apud Gallos, & præsertim Lutetiae Parisiorum, parturientium venam secare; eo nempe proposito, ut partus citius ac felicius succedat. Eadem spe ducti balnea imperant Poloni, nec quidem suam eorum spem sefellit eventus. Mirum quantum emolumenti ex balneorum usu percipiant nephreticis doloribus discruciatu ægrotantes. Illa citæ ac faciliori calculorum expulsionis favent: motus solvunt spasmodicos, & dolores sublevant ex irregulari motu oriundos, nec nisi levissima post se trahunt incommoda. Laxat quidem venæ sectio, at vires imminuendo, & repetita ab opere præcipuo divellit naturam. Quid verò præstat auxilia, si ritè procedit partus, adhibere: feliciora ac tutiora promittit prudens cunctatio. Nonne, absque venæ sectionibus, feliciter parturiunt ruris incolæ mulieres? utque exempla apud pecudum genus desumamus, an mitteretur sanguis jumentis, vaccis, asininis aliisque parturientibus? solâ vi naturæ foras exit foetus, nisi libero exitui obstitit ejusdem in utero situs. Sola tunc temporis opem conferret perita obstetricis manus.

Nimis operose agunt, qui puerperas omnis generis medicamentorum farragine obruere non erubescunt. Dum salina, aliaque ex irritantium familiâ deprompta illis ingerunt, motus turbant naturales, & crudelia quandoque accersunt symptomata. Urinas ciere, provocare sudores, alvum irritare non sunt à naturæ votis. Incausum dolores post partum penitus tollere ac avertere tentant: illi siquidem ab ipsis naturæ motibus vividis ac necessariis ortum ducunt. Non nisi ingenti uteri molimine expellitur sanguis in illius textu cespitans. Quantum sit autem hujus organi nixus evacuatorius ex crassissimis uno lapsu erumpentibus coagululis dijudicare licet. Annotatum est quoque doloribus mammarum & febris confectionaria ansam dare lactis confectionem.

Sanguini lactique nova claustra referare nefas est. Numquid feliciori fluxu per sinum muliebrem exiturire illos humores probant ratio junctaque experientia? quot enim & quanta oriuntur mala

ex momentaneâ lochiorum suppressione! Apud puerperas in spasmos primum est totum nervorum systema. Nociva ergo illis quæcunque causa nervos irritans, arcendi itaque florum odores, & vitanda animi pathemata. Minus superbiant, qui primi substantias salinas imperare ausi sunt millena pericula adducentes. Non minus infensæ sudoris proliciendi diversæ methodi, quibus oppressa ac deflagrata natura munia sua adimplere cessat. Humor lacteus, silente utero, in corpore delitescit, & procreat rubra exanthemata, mammarum indurationes, tormina ventris, capitis ac pectoris dolores acerbos, partium inflammationes & abcessus. Inter plurima hujus generis exempla unum afferam aut alterum. Mulier enixa est; anxiosa in lecto hærebat stragulorum pondere penè suffocata, guttas forbebat insuper; utque abundantior promanaret sudor, concalefactum erat cubiculum; suppressio lochiorum fluxu rubra in corpore efflorescunt exanthemata: caput dolet & opprimitur pectus: metu perculsa opem meam efflagitat. Ut è lecto quantò ocyùs surgat ac aerem ducat frigidior, Guttasque removeat suadeo. Mox levantur symptomata, dein omninò evanescentia, nec tamen nisi tertio post partum mense, rursus effluxerunt menstrua. Eâdem pravâ methodo, alteri in mammis suboriuntur indurationes: meo consilio utens illa hydromelite mammæ fovet, solo prorsus lenientis haustu restituitur lochiorum fluxus, emollitæ indurationes intra paucos dies evanescent. Haud nesciunt quidem sagacissimi naturæ observatores Medicina efficaciori effrenos reddi ac tumultuarios, apud puerperas, naturæ motus; blandâ verò lenientium vi frænari ac compesci eosdem. Quo usque tandem provecta sit de purgantium efficaciam præjudicata opinio, declarat artis obstetricariæ periti cujusdam exclamatio. Ille dum, lintea puerperæ maximo lacteorum humorum proventu madida lustraret, purgantia, ad humorum illorum revulsionem, omittere nonne piaculum est, inquit, ac veluti scelus?

V.

QUID QUID dixerint benemulti, puerpera non offert nisi quid naturale; illud tantum peculiare est, quod motus sint vividiores. Numquid sanguis post factus exclusionem citò effluens ut mensium materies abundantior considerari potest? Et revera non ultra temporis spatium mensibus à naturâ dictatum protenditur rubri fluxus duratio. At soli imperiti mulieri menses patienti medicamenta imperant, nec illi auferuntur alimenta. perperam agunt igitur, qui in puerperis medicamentorum usu

naturam exasperant, & omnimodâ ciborum sublatione illam debilitant. » In tenui victu delinquant ægri, inquit Hippocrates, » ob id magis læduntur : omne enim delictum, quod committitur, multo magis fit (in tenui) quam in paulo pleniori victu ; » propterea etiam sanis periculosus est valde tenuis & constitutus, & exquisitus victus. »

Strictam diætam puerperis nocivam esse suadet ille Hippocratis aphorismus. Partus labore exhausta necesse est ut reficiatur alimentis puerpera : sic stomacho & intestinis vis tonica servatur ac imprimitur ; unde felicius sua munia obeunt diversa corporis organa. Sola nocere potest nimia ciborum copia, pravaque eorum qualitas. Alimenta etiam non dissuadet modo pauca & blanda, febris ipsa lactea, præsertim, si vehementer appetat puerpera : nam sui ipsius conscia natura, si proficua, appetit, averlatur, si nociva.

Sunt qui hæc diversas methodos experienciâ fulciri contendunt. Certum quidem est usu quodam recepto prægnantibus & parturientibus venam secari, & imperari puerperis medicamenta, strictamque diætam. At nomine decepti, qui huic methodo favent, experienciæ nomine appellant usum ex præjudicio natum. Novimus mulieres, quibus, in primis gestationibus, fere quolibet mense imperabatur venæ sectio. Illæ tertium infantem absque ulla sanguinis missione feliciter pepererunt. Aliis non semel in gestationum decursu secta est vena. Non militat ergo experientia pro venæ sectione in puerperis necessariò celebrandâ. Utilis esse potest quidem prægnantibus quibusdam venæ sectio, illis videlicet, quæ, in toto gestationis decursu, maximâ alimentorum copiâ utentes, nullo moventur exercitio. Si subortis dolore capitis gravativo, propensione maximâ in somnum, ac corporis segnitie, una erumpant e naribus sanguinis stillæ, tunc cum levamine secatur vena. Non magis de venæ sectionis efficacîâ ad partum promovendum constat ; siquidem illa etiam ad præcavendum abortum præscribitur. Hæc autem conciliare arduum est, ni fallor, ac difficile.

Idem ferendum iudicium de efficacîâ salis de duobus, quo veluti specifico, indiscriminatim condiuntur puerperæ. Qui verò puerperæ statum attente perpendit, illius utilitatem vix concipit. Uno ore profitentur omnes ex levissimâ causâ irritante convelli puerperas : motus excitat tumultuarios odor floris ingratus, iidem ex animi pathemate oriuntur effectus. Numquid verò ner-

vos irritat & naturam exasperat sal de duobus : Certè non rationum momentis ex rei naturâ depromptis fulcitur illius usus ; & procul dubio pauciora partui supervenirent incommoda , si nulla puerperis aut saltem non nisi lenientia remedia adhiberentur ; unde concludimus.

Ergo pręgnantibus , parturientibus & puerperis nulla , aut saltem non nisi lenientia remedia.

DOMINI DOCTORES DISPUTATURI.

M. simon-Antonius BRIN-
CAUD.

M. Joannes-Baptista THU-
RANT.

M. Joannes-Iacobus MES-
SENCE.

M. Claudius-Josephus GEN-
TIL, Militarum nosocomio-
rum ad Regis exercitum
Medicus.

M. Ludovicus-petrus-Felix-
Renatus LE THIEULLIER,
saluberrimę Facultatis DE-
CANUS, Regis Consiliarius
& in majori Consilio, nec
non in magnâ Regiæ Domus
& Franciæ præfecturâ Me-
dicus ordinarius.

M. Carolus-Franciſcus THE-
ROULDE DE VALLUN,
Eques.

M. Edmundus-Thomas MO-
REAU, utriusque Pharmacię
professor.

M. petrus-Ludovicus-Maria
MALOET.

M. Anna-Carolus LORRY.

Proponebat Parisiis JOSEPHUS-IGNATIUS GUILLOTIN, Sænto, Doctor
Medicus Rhemensis, nec non Saluberrimę Facultatis Medicinę
Parisiensis Baccalaureus A. R. S. H. 1770, à sextâ
ad meridiem.

Typis QUILLAU, Universitatis & Facultatis Medicinę Typographi 1770.